

1°. Խորհրդարան անուամբ տեղի մի յատկացուցանել, յորում միշտ հաւաքեալ եօթն Խորհրդականաց՝ բարեմբտութեամբ խորհիլ, անօրինել եւ կարգաւորել զօգտակարան Սրբոյ Տանն՝ ըստ ներքնոյն եւ ըստ արտաքնոյն, ըստ հոգեւորին եւ ըստ մարմնաւորին, ըստ եկամտից եւ ըստ ծախսոց. այլ եւ ընտրել զարժանաւորս 'ի միաբանութիւն եւ յեկեղեցականութիւն 'ի դարութենէ ցաստիճան Եպիսկոպոսութեան. 'ի ներքս եւ յարտաքս գործակալութեան՝ եւ այլոց ամենից, զի յայսմ'հետէ 'ի նոցանէ՝ այսինքն յեօթն Խորհրդականաց ունի ազգն հարցանել եւ որոնել եւ գիտել զամենայն կերպ կառավարութիւն Սրբոյ Աթոռոյն :

Իսկ Սրբազան Պատրիարքն միայն յիւրապատկանան հոգատար լիցի եւ կատարեսցէ, այսինքն՝ յորժամ Խորհրդականք ընտրեսցեն զոք 'ի միաբանութիւն 'ի գործակալութիւն, 'ի Նուիրակութիւն, յաստիճան եւ այլն, զպահպանիչն ասել եւ զկոնդակսն կնքել :

2°. Ի Խորհրդարանի անդ դիցի օրնայ՝ արկզն արդեանց երեք կերպ բանալեօք, եւ իւրաքանչիւր առ մի 'ի Խորհրդականաց մնացէ, եւ եօթն Խորհրդականք 'ի միասին եկեալ բացցեն եւ փակեսցեն, եւ զեղեալ եւ հանեալ դրաման 'ի տումար անցուսցեն :

3°. Ի Խորհրդարան անդր նստցի Խորհրդական գրագիրքն, եւ որոց ինչ վէճ կամ խնդիր լիցի 'ի միաբանից՝ յուխտաւորաց եւ 'ի քաղաքացի ժողովրդոց՝ 'ի Խորհրդարանն գիմեսցեն (եւ ոչ այլուր), եւ զխնդիրն 'ի գիր առեալ՝ 'ի ժողովիլ Խորհրդականաց՝ բարեօք քննութեամբ արասցեն զիրաւունս զրկելոյն, եւ վճռեսցեն զդատն 'ի բուժ արտացելոյն :

4°. Ի մէջ Ս. Աթոռոյն եղեալ արքունական Խաթիբ Ենէրիֆք եւ Ֆէրմանք եւ սէնէտք ձեռամբ Խորհրդականաց ըստ իւրաքանչիւրոց սէնէդից մտաց համառօտ ծանօթութեամբք յատուկ նովիրայիւ 'ի տումար անցուցեալ՝ 'ի Խորհրդարան անդր պահեսցեն զգուչութեամբ 'ի ներքոյ երից փականաց եւ կնքոց Խորհրդականաց :

5°. Եթէ վասն սաստիկ հարկաւորութեան Ս. Աթոռոյն գէպ լիցի փոխ դրամ առնուլ՝ Խորհրդականք գտցեն, եւ